

**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

**Monacellus, Franciscus  
Venetiis, 1706**

Deputationis Visitatoris Formula IX.

---

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

quamobrem frequenter odium multorum incurunt, & aliquando etiam invidias patiuntur, ut probat Vermigliol. conf. 378. n. 4. Et hinc bene infertur, quod illorum gubernium est res laboriosa, difficultis, Maftrill. de Magistr. lib. 1. c. 30. n. 2. imo officium Episcopi abyssum ærumnarum vocat Chrysost. quem refert Barbos. de Offic. & Potest. Episc. tit. 2. glos. 2. n. 16. adeo ut cum D. Bernardo Serm. 12. in Cantica scribere valeam -- *Fratres reveremur Episcopos, sed vereamur labores eorum: si labores pensamus, non affectabimus honores.*

4. MORUM RARAM PROBITATEM. Theologus Episcopi debet esse inculpabilis vitæ, & ideo in Formula per modum elogii ejus virtutes demonstrantur: Hic enim in dicenda sua Sententia non debet respicere faciem hominis, nec pavescere minas creaturæ mortalis, ne Episcopus ejus consiliis deceptus non Theologum sed foveat adulantem: Oportet inquam in veritate legem docere, & salutem propriam, & proximi doctrinæ sana, & morum puritate operari: Quoniam plenitudo sapientiae est timere Deum, Ecclesiast. 1.

5. NOSTRUM SELIGERE THEOLOGUM. Quia in assumptione ad Episcopatum, præsertim in Italia, in qua heres (Dei misericordia) non pullulant, quamvis Theologia sit dignior ceteris scientiis propter nobilitatem materiæ certitudinem, & altiorem finem; Canonistæ Theologis sæpè preferuntur, ut expe-

rientia docet Nos, & DD. etiam ita prævidendum insinuant, Abb. in c. 1. n. 9. de consang. & Affin. Azor. institut. Moral. p. 2. lib. 3. c. 28. q. 10. Scipio de Rub. aphorism. Episc. verb. Episcopus, Barbos. de Offic. & Potest. Episc. allegat. 1. num. 30. Card. de Luc. adnot. ad Conc. disc. 2. n. 6. Maxime propterea docet, quod Episcopus Canonicista in Theologicis disciplinis non versatus, Theologum sibi assumat non pro forma, ut morem gerat, sed ut in rebus, quæ ad fidem, & forum conscientiae in rebus arduis pertinent, Consultorem habeat idoneum, ut verificetur Hieremias effatum -- *Dabo vobis Pastores, qui pascent vos scientia, & doctrina, Hier. 3. & Innoc. in cap. ult. de ætat. & qualit.*

Deputationis Visitatoris.

#### F O R M U L A I X.

##### S U M M A R I U M .

1. Visitationis est delegabilis Episcopo imposito.
2. Etiam quoad visitationem Capituli Cathedralis.
3. Visitator Delegatus exigit procuratorem pro mediata.
4. Visitat etiam Ecclesias, & loca exempta.
5. Rationem à Vicario capituli tempore sedis vacantis constituti exigit.

#### N. Episcopus N.

Dilecto N. Sc.

**C**upientes Sac. Conc. decretum de visitanda Diœcesi exequi, nec adversa valetudine detenti valentes personaliter Ecclesias, & loca pia visitare, Te de cuius fide, integritate, scientia, & experientia plenè in Domino confidimus, Visitatorem totius nostræ Diœcesis delegamus, eligimus, & deputamus, cum facultate Ecclesias, Monasteria, Confraternitates, Hospitalia, Collegia, Montes Pietatis, & Frumentarios, locaque alia pia, & Religiosa visitandi computa, & administrationes eorumdem locorum revidendi, Debitorum, Oficiales, & Administratores ad libros exhibendum, & reliquarum respective solvendum compellendi juris, & facti remediis sola facti veritate inspecta. Decreta quæcumque faciendi, & exequendi dummodo processum non requirant. Procuratio-

curationem à visitatis, prout juris est, exigendi, & alia gerendi, quæ facere, gerere, & exequi tam ordinaria, quām delegata auctoritate Nos met ipsi visitando possemus, Tibi omnia generaliter, & specialiter committendo. In quorum &c. Datum &c.

N. Episcopus N.

Loco  Sigilli.

### ADNOTATIONES.

**I A DVERSA VALETUDINE DE-TENTI.** Sive alio legitimo impedimento, de quo sufficit constare per solam assertionem Episcopi, qui nullam tenet causam impedimenti assignare, ut respondit *Sacr. Congr. Concil. in Portugallen. Visitationis 29. Januarii 1701. in responsione ad secundum dubium.*

**2. NOSTRÆ DIÆCESIS.** Jus visitandi non solum est delegabile quoad Ecclesiæ, & loca pia Diœcesis, sed etiam quoad Visitationem Ecclesiæ, & Capituli Cathedralis, quamvis in præteritum Episcopi per se ipsos Cathédralem visitaverint, quoties Episcopus afferat se legitimo impedimento (quamvis temporali) detineri, *Sacr. Congr. Concilii in d. Portugallien. 29. Januarii 1701. in responsione ad primum.*

**3. PROCURATIONEM, PROUT JU-RIS EST EXIGENDI.** Visitator delegatus non potest integrum procurationem à visitatis exigere, sed tantum pro medietate, juxta Decreta relata à Nicolio in fosc. verbo *Visitatio n. 1. vers. quando tamen, & num. 10. limit. 9.* & nuper declaravit *Sac. Congr. Concilii in Amalphitana 17. Iuli 1699. ad quartum.*

**4.** Visitat quoque Episcopus per suum

Subdelegatum Monasteria, & Parochiales exemptas tamquam in hac parte Delegatus Sedis Apostolicæ, absque eo quod possint exempti Subdelegatum recusare, quoties exhibeat speciale facultatem in scriptis, Fagnan. in c. *Quoniam num. 27. & 35. de offic. Deleg. Sacr. Congreg. Concilii in Passavien. 1. Octobris 1661.* relata à Pignatell. consult. 7. n. 19. & 29. tom. 7.

**5.** Potest quoque Episcopus in Visitatione rationem administrationis officii exigere à Vicario Capituli Sede vacante constituto, atque si alicujus delicti reus reperitur, punire, ut declaravit *Sacr. Congr. Concil. 8. Aprilis 1595. à cap. 16. sess. 24. de reform.*

Deputationis Administratoris Domus  
Pœ.

### F O R M U L A X.

### S V M M A R I V M.

- 1 Administratores locorum picrum æquiparantur Tutoribus, & habent libram administrationem.
- 2 Debent librum rationum retinere.
- 3 Si non retinent libros, presumuntur dolosi, & juratur contra eos in li-tem.

### N. Episcopus N.

**U**niversis &c. Nuper siquidem accepimus, quod Domus pia, sive Hospitalis loci N. per obitum N. ultimi ipsius Administratoris caret Rectore, Nos ad quem presentatio personæ idoneæ ad regimen, & administrationem d. Domus, destinatio, ac omnimoda dispositio pleno jure pertinet, eidem Domi, seu Hospitali, de utili, & bono Rectore, & Administratore salubriter præsidere vo- len-